



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Vvat de Catechismus is/ ende hoe oudt.

urn:nbn:de:hbz:466:1-39385

CORTE
VVT-LEGGINGHE
DER
CHRISTELIICKE
LEERINGHE.

Meester.

Wat verstaet ghy deur den Catechismus, oft de
Christelijcke leeringhe?

Discipel.



En cozt begriyp vande leeringhe/
die Christus onse Saligh-maker
selue / als hy op der aerden leefde/
ende na-maels deur sijne Apolte-
len ende haere nae-romelinghen
den menschen geleert heeft / ende
ons deur sijn heylighe Kercke veur-stelt om te
gheloouen.

M. Hoe oudt is dese leeringhe?

D. Duyzent ende sel-hondert iaeren oft daer om-
trent : waer upt dat blijktt / hoe heerlijck ende
treffelijck dat dese leeringhe is.

M. Maer en is de maniere niet nieuw, die-men
nu ghebruyckt, inde kinderen ende an-
dere den Catechismus, oft Christelijcke lee-
ringhe te leeren?

D. Gheens-sins. Want de selue heeft-men ouer
twaelf-hondert iaeren ghebruyckt/ soo S. Augu-
stijn

stijn

Sijn selue ghetuygh: Waer uyt men claerlijck be-
mercken can / dat het valsch is / te willen seggen /
dat de Catholijcken dese maniere aen de ketters
ende Heretijcken souden gheleert hebben / maer
ter contrarien / sy selue hebben die van ons Catho-
lijcken gheleert.

M. Is dese leeringhe oock profijtelijck?

D. Sonder twijffel iac: want sy leert ons wat
wy moeten gheloouen / ende hopen / hoe wy Godt
moeten bidden / hem beminnen / ende sijn ghe-
boden onder-hondē / wat de sonde is / wat quadt
sy ons aen- brenghet / hoe wy die moeten schouwē /
hoe wy de heylighe Sacramenten moeten ghe-
bruycken / om van sonden ghesuyuert te worden /
ende de gratie Godts te verrijghen / midsgaders
wat goede wercken wy moeten doen / om saligh
te worden.

M. Is dese oock eenen yegelijcken van noode
te weten?

D. Iae sy / die wilt saligh worden / inmers-
ten minsten de principaelste punten / ghelijck wy
nanaels breeder ende claerder sullen leeren.

M. Hoe noemt ghy de menschen, die dese
leeringhe geloouen, ende naer-volghen?

D. Christenen / oft Catholijcke menschen

M. Zijt ghy een Christen mensche?

D. Iae ick deur de gratie ons Heeren Iesu
Christi.

M. Wat is een Christen mensche?

D. Een discipel Iesu Christi / die ghedoopt zyn-
de / ghelooft ende belijdt alt' ghene dat Godt ghe-
openbaert heeft / ende ons deur de heylighe ker-
ke deur-ghestelt om te gheloouen teghen alle
secten.

M. Wie